



Inatsisartut suleriaasiat § 36 immikkoortoq 1 naapertorlugu Naalackersuisunut imaattumik apeqquteqarniarpunga.

Naalackersuisunut Apeqqut:

1. **Uuliasiorniarlutik qinnuteqarsimasut akuersissutinut tunniunneqartunut nunatta karsianut akiliuteqartinneqartarpat?**
2. **Qanoq annertutigisumik akiuliteqartinneqarpat?**
3. **Uuliasiorniarlutik misissuiniartut nunatta karsianut akitsuummik aalajangersimasumik annertussusilimmik akiliisinneqartalerniarpat?**

(Inatsiartuni ilasorta q Kristian Jeremiassen, Siumut)

Tunngavilersuut:

Aatsitassat pillugit ingerlatallu tamatumunnga pingaarutillit pillugit inatsisartut inatsisaat nr. 7, 7. december 2009-imeersoq. (aatsitassanut ikummatissanullu inatsit) naapertorlugu Ima allassimasoqarpoq:

*“Kapitali 4
Misissueqqaarnerit*

§ 15. [...]

Imm. 3. Naalackersuisut akuersissutinut piumasaqaatinik aalajangersaasinnaapput, tamakkununnga ilaallutik akiliutinik akiliisarnissaq pillugu.

Imm. 4. Imm. 1 malillugu akuersissutinut tunniunneqartunut akiliutinik akiliisarnissaq, tamakkuninnga qinnuteqarluni nassiussanut aamma oqartussatut suliarinninnermut akiliisarnissaq pillugu Naalackersuisut malittarisassanik aalajangersaasinnaapput.”

Naalackersuisooqatigiit maannakkut siunniussimavaat nunatta innuttai orsussamat akitsuumik 0,25 øre-imik aallerfiginiarlugit. Orsussamat akitsuummik akiliisalernerup pisiassat, angallannerup, kallerup innera allallu akitsornerannik malitseqarnissaa qularnanngilaq, taamaalilluni innuttaasut ullormiit ullormut naammatsitsiniarlutik inuusariaqartut sakkortuumik eqqugaassapput.

Innuttaasunut eqquinngitsumik nunatta karsia immerneqassappat aamma nunatsinni uuliamik aatsitassanillu soqutiginnillutik ujarlerniartut amerligaluttuinnartut aningaasanik aallerfigineqarsinnaanerit pitsaanerusutut isumaqarfivara taamaalilluni nunatsinni innuttaasut ulluinnarni inuuniarnerminni artorsinneqassanngimmata.

Suliffeqarfissuit avataaneersut uuliasiornermi aatsitassarsiornermilu aningaasat milliard-it
ataasiinnaanngitsut atortussaavaat taamaattumik ujaasinerminni akitsuutmik
akiliisinneqaralaruniluunniit isumaqarpunga tunuartissanngitsut.

Apeqquteqaat ingerlatitara ullut suliffiusut qulit qaangiutsinnagit akineqarnissaa qinnutigivara.